



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-269-6/22

Datum: 06.07.2022. godine

„Agencija za vodno područje rijeke Save“ Sarajevo, rješavajući po zahtjevu JKP „Vodovod i kanalizacija“ d.o.o. Tuzla za izdavanje vodne dozvole za zahvatanje vode sa izvorišta „Sprečko polje“, Grad Živinice, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola podnosiocu zahtjeva JKP „Vodovod i kanalizacija“ d.o.o. Tuzla za aktivnosti na zahvatanju vode sa izvorišta izvorišta „Sprečko polje“, Grad Živinice, iz 8 (osam) vodozahvatnih objekata-bunara i to:

EB1/1 - iz kojeg se zahvata 14 l/s,
EB2/1 (rekonstruisan) - iz kojeg se zahvata 25 l/s,
EB3/1 (rekonstruisan) - iz kojeg se zahvata 25 l/s,
EB 7 (rekonstruisan) - iz kojeg se zahvata 25 l/s,
EB 8 - iz kojeg se zahvata 28 l/s,
EB 6/2 iz kojeg se zahvata 15 l/s,
EB 9 iz kojeg se zahvata 20 l/s,
EB 4/2 iz kojeg se zahvata 30 l/s,

a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice u sumarnoj količini od $Q=150$ l/s.

2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz sljedeće uslove:

2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.

2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem elektromagnetnog mjerača protoka proizvođača Endres+Hauser, vrsta: PROMAG 53 W DN 250, serijski broj 00000525834. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).

2.3. Da obezbijedi tehničku ispravnost ugrađenog mjernog uređaja za evidentiranje zahvaćenih količina vode, opreme na postrojenju za tretman vode kao i na objektima transportnog sistema (pumpe, vodomjeri, zatvarači itd.), odnosno ishodovati certifikat o verifikaciji mjerača protoke u skladu sa propisima o mjernim uređajima.

2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.

- 2.5. Da se vrši stalna dezinfekcija vode kloriranjem kao i kontrola rezidualnog klora u gradskoj-distributivnoj mreži, a u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
- 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
- 2.7. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.
- 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
- 2.9. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove propisane važećim Pravilnikom o zdravstvenoj ispravnosti vode za piće, vodovodni sistem treba da se isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
- 2.10. Da se stalno sprovode mjere o zaštiti izvorišta po Odluci o uspostavljanju i održavanju zaštitnih zona izvorišta (bunara) u Sprečkom polju (Skupština opštine Živinice, broj 01-023-86 od 30.07.1985.god.).
- 2.11. Da se u vrijeme trajanja ove vodne dozvole postojeća Odluka o uspostavljanju i održavanju zaštitnih zona izvorišta (bunara) u Sprečkom polju, uskladi sa zahtjevima iz "Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj 88/12).
- 2.12. Ogradu i ograđeni prostor oko svakog vodozahvatnog objekta-bunara na vodocrpilištu „Sprečko polje“, Grad Živinice potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
5. Ukoliko prilikom upotrebe vodozahvatnih objekata koji su obuhvaćeni ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novih ili rekonstrukciju ili uklanjanje postojećih objekata te promjenu uslova zahvatanja vode na vodocrpilištu „Sprečko polje“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno

prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).

10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

JKP „Vodovod i kanalizacija“ d.o.o. Tuzla obratio se ovoj Agenciji sa zahtjevom za izdavanje Rješenja o vodnoj dozvoli za aktivnosti na zahvatanju vode sa izvorišta „Sprečko polje“, Grad Živinice, iz 8 (osam) vodozahvatnih objekata-bunara, sumarnog kapaciteta $Q=150$ l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerenje o registraciji/upisu u Jedinostveni registar obveznika indirektnih poreza, broj:04/1-17-1-UPJR/1-1214-2/16 od 29.03.2016. godine izdato od strane Uprave za indirektno-neizravno oporezivanje Banja Luka – ovjerena kopija,
- Uvjerenje o poreznoj registraciji od 16.02.2016. godine izdato od strane Kantonalnog poreznog ureda Tuzla – kopija,
- Rješenje o vodnoj dozvoli, broj: UP-I/25-3-40-447-5/17 od 18.07.2017. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: UP-I/25-3-40-194-6/21 od 04.06.2021. godine izdato od strane Agencije za vodno područje rijeke Save, Sarajevo – kopija,
- Rješenje o odobrenju za upotrebu, broj:12-04/1-19-023791/21 od 14.10.2021. godine izdato od strane Ministarstva prostornog uređenja i zaštite okolice Tuzlanskog kantona sa pratećim Izvještajima – kopije,
- Pravilnik o održavanju, korištenju i osmatranju objekata i opreme izvorišta Sprečko polje, Ru.8.5-02-02 oktobar 2019. godine urađen od strane JKP „Vodovod i kanalizacija“ d.o.o. Tuzla,
- Ugovor o koncesiji za korištenje izvorišta „Sedam vrela“, „Zatoča 1“, „Zatoča 2“ i „Tarevčica“ u Stuparima, općina Kladanj, „Toplica“ i „Sprečko polje“, općina Živinice u javnom sistemu vodosnabdijevanja Tuzle, broj:5622/16 od 21.06.2016. godine potpisan sa Ministarstvom poljoprivrede, šumarstva i vodoprivrede Tuzlanskog kantona – kopija,
- Odluka o dodjeli koncesije za korištenje izvorišta „Sedam vrela“, „Zatoča 1“, „Zatoča 2“ i „Tarevčica“ u Stuparima, općina Kladanj, „Toplica“ i „Sprečko polje“, općina Živinice, broj: 02/1-25-9346-7/15 od 23.11.2015. godine donesena od strane Vlade Tuzlanskog kantona – kopija,
- Ovjernica/Uvjerenje broj: 007/754/19 o udovoljenju mjeriteljskim zahtjevima od 15.05.2019. godine za elektromagnetni mjerič protoka proizvođača Endres+Hauser, vrsta:PROMAG 53 W DN 250, serijski broj 00000525834 izdata od strane Federalnog ministarstva energije, rudarstva i industrije-Zavod za mjeriteljstvo – kopija,
- Pumomoćje od 15.06.2022. godine izdato od strane JKP „Vodovod i kanalizacija“ d.o.o. Tuzla,
- Odluka o ustanovljavanju i održavanju zaštitnih zona izvorišta (bunara) u Sprečkom polju, (Skupština opštine Živinice, broj 01-023-86 od 30.07.1985.god.) donesena od strane Skupštine opštine Živinice – kopija
- Rezultati fizičko-hemijskog i mikrobiološkog pregleda vode, broj: 527/22, 887/22, 528/22, 888/22, 529/22, 889/22 od 14.06.2022., 443/22, 743/22, 444/22, 744/22, 445/22, 745/22 od 17.05.2022., 332/22, 551/22, 333/22, 562/22, 334/22, 553/22 od 12.04.2022., 238/22, 395/22, 239/22, 396/22, 240/22, 397/22 od 15.03.2022., 142/22, 239/22, 143/22, 240/22, 144/22, 241/22 od 15.02.2022., 69/22, 115/22, 7022, 116/22, 49/22, 86/22 od 25.01.2022. godine urađeni od strane JKP „Vodovod i kanalizacija“ d.o.o. Tuzla – kopije,
- Dokaz o uplaćenju federalnoj upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je uviđaj na terenu i tom prilikom sačinjen Zapisnik o izvršenom uviđaju broj: UP-1/21-3-40-269-4/22 od 24.06.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- U prethodnom periodu pravnom licu JKP „Vodovod i kanalizacija“ d.o.o. Tuzla izdato je Rješenje o vodnoj dozvoli, broj:UP-I/25-3-40-447-5/17 od 18.07.2017. godine za zahvatanje vode sa izvorišta „Sprečko polje“, općina Živinice. U međuvremenu pravnom licu su izdata Rješenja o prethodnoj vodnoj saglasnosti, vodnoj saglasnosti na projektnu dokumentaciju i Rješenje o vodnoj dozvoli za aktivnosti na zahvatanju dodatnih količina vode putem 4 novoprojektovana bunara EB-4/2, EB-9, EB-6/2 i EB-8 na vodocrpilištu „Sprečko polje“, općina Živinice i rekonstrukciju 3 postojeća (EB3/1, EB2/1 i EB7) kojim bi se najbrže i najekonomičnije zahvatate određene količine vode, te omogućilo povećanje eksploatacionih količina, broj:UP-I/25-3-194-6/21 od 04.06.2021. godine. Ovim Rješenjem o vodnoj dozvoli objedinjena su ova dva Rješenja.

- Na prostoru vodocrpilišta „Sprečko polje“ egzistira 8 vodozahvatnih objekata-bunara koji su trenutno u funkcionalnom stanju i to:

- EB1/1 - iz kojeg se zahvata 14 l/s,
- EB2/1 (rekonstruisan) - iz kojeg se zahvata 25 l/s,
- EB3/1 (rekonstruisan) - iz kojeg se zahvata 25 l/s,
- EB 7 (rekonstruisan) - iz kojeg se zahvata 25 l/s,
- EB 8 - iz kojeg se zahvata 28 l/s,
- EB 6/2 iz kojeg se zahvata 15 l/s,
- EB 9 iz kojeg se zahvata 20 l/s,
- EB 4/2 iz kojeg se zahvata 30 l/s,

- Prva zona sanitarne zaštite svakog bunara je realizovana na terenu, izgrađena je ograda, zaključan je ograđeni prostor i zona je pod stalnim alarmnim sistemom, po ugovoru.

- Zahvaćena količina vode se primarnim cjevovodom DN 400, transportuje do postrojenja za tretman voda - Crpna stanica Spreča, na predtretman koji se sastoji iz aeracije, kaskada, lamelnih taložnica te posebnog objekta za deferizaciju i demanganizaciju (filtersko postrojenje). Prije ulaza na postrojenje ugrađen je mjerač protoka.

- Kvalitet crpljene vode iz bunara kontinuirano radi laboratorija VIK-a, a periodične analize vrši Zavoda za javno zdravstvo Federacije Bosne i Hercegovine i Zavod za javno zdravstvo Tuzlanskog kantona.

- Izvršen je tehnički pregled rekonstruisanih i novoizgrađenih vodozahvatnih objekata i ishodovana je upotrebna dozvola od strane Ministarstva prostornog uređenja i zaštite okolice Tuzlanskog kantona.

- U toku su aktivnosti na inoviranju zaštitnih zona izvorišta „Sprečko polje“ i donošenju Odluke o zaštiti vodocrpilišta, a sve u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva" ("Službene novine Federacije BiH", broj 88/12).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva ovog Rješenja, propisani uslovi u skladu sa Zakonom o vodama, Pravilnikom o sadržaju, obliku i uvjetima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva JKP "Vodovod i kanalizacija" d.o.o. Tuzla je dužan da u skladu sa članom 44. Zakona o geološkim istraživanjima Federacije BiH („Službene novine Federacije BiH“ broj 9/10 i 14/10) izradi i dostaviti na reviziju Federalnom ministarstvu energije, rudarstva i

industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP "Vodovod i kanalizacija" d.o.o. Tuzla ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP "Vodovod i kanalizacija" d.o.o. Tuzla ispunio minimum uslova za izdavanje vodne dozvole za zahvat vode na izvorištu „Sprečko polje“ u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-269-5/22 od 28.06.2022. godine.

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- JKP "Vodovod i Kanalizacija" Tuzla
ul. 2. Oktobra 1., 75000 Tuzla,
- AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča